



Pou Piblikasyon Imedya: 09/04/2022

GOUVÈNÈ KATHY HOCHUL

GOUVÈNÈ HOCHUL ANONSE ENVESTISMAN ISTORIK NAN GADRI NAN KAD BIDJÈ ANE FISKAL 2023

Bidjè a gen ladan 7 milya dola pandan kat ane - plis pase de fwa sipò pou gadri

*Limit revni pou sibvansyon gadri te ogmante, sa ki fè plis pase mwatye jèn
timoun yo nan Eta New York elijib*

*343 milyon dola pou yon dezyèm faz sibvansyon estabilizasyon pral sipòte
mendèv ak founisè gadri yo*

Gouvènè Kathy Hochul te anonse jodi a gwo envestisman nan gadri pamí gran pwen nan Bidjè Ane Fiskal 2023 a. Eta New York ap envesti 7 milya dola pandan kat ane, sa ki reflete aksè nan gadri bon kalite enpòtan pou timoun, fanmi yo ak rekiperasyon ekonomik la. Sa plis ke double sipò New York pou sibvansyon gadri. Bidjè a ogmante limit revni elijibilite pou sibvansyon gadri nan 300 poustan nivo federal povrete (83,250 dola pou yon fanmi ki gen kat moun), sa ki elaji elijibilite pou plis pase mwatye jèn timoun yo nan New York.

"Sèvis gadri yo se yon pati enpòtan nan rekiperasyon ekonomik nou an, yo bay paran yo sipò ki nesesè pandan y ap pouswiv edikasyon oswa rantre sou mache travay la", **Gouvènè Hochul te deklare.** "Kòm yon manman ki te oblige kite travay li akòz mank aksesibilite pou gadri, mwen fyè de travay ke mwen te fè avèk Lidè Majorite Stewart-Cousins ak Prezidan Asanble Heastie pou fè envestisman istorik sa ak opòtinite li pral bay ak pran k ap travay yo. Chanjman makan sa yo pral elaji yon fason pèmanan disponibilité, kalite ak pri abòdab gadri pou tout Nouyòkè".

Bidjè Eta a elaji tou aksè nan gadri bon kalite nan ogmante to mache gadri a pou ajoute 80 poustan founisè. Chanjman sa pral elaji opsyon gadri ki disponib yo pou fanmi ki gen sibvansyon yo pandan sa ap ogmante ranbousman pou founisè gadri yo.

Pou sipòte plis founisè yo, kolòn vetebral endistri a, Bidjè a envesti 343 milyon dola pou bay yon dezyèm faz sibvansyon estabilizasyon pou founisè yo. Sibvansyon sa yo prale dirèkteman jwenn founisè ak anplwayè yo, avèk 75% sibvansyon ki devwe pou sipòte mendèv, sa gen ladan ogmantasyon nan salè, bonis, ranbousman frè lekòl ak kontribisyón nan plan retrèt pèsònèl ak depans pou asirans sante. Bidjè a envesti tou

50 milyon dola pou devlope yon pwogram kapital pou gadri. Sa pral pèmèt founisè gadri yo aplike pou sibvansyon kapital fleksib pou depans ki gen rapò ak konsepsyon, konstriksyon, amelyorasyon, apwovizyonman ak ekipaj sant gadri ki nouvo oswa ki egziste.

Nan souliye enpòtans aksè nan gadri, Bidjè Adopte a envesti tou 15.6 milyon dola pou asire ke chak kanpis SUNY ak CUNY gen yon sant gadri ki disponib pou elèv, pwofesè ak pi gwo kominate a. Pou ogmante plis aksè nan gadri pou elèv k ap pouswiv diplòm edikasyon siperyè, Bidjè a elimine kondisyon ke, anplis de eskolarite yo, yon moun dwe travay 17.5 èdtan chak semèn pou kapab elijib pou sibvansyon gadri.

Anplis de sa, Bidjè a ogmante sipò pou Sant Developman Timoun Biznis Agrikòl (Agri-Business Child Development Centers, ABCD) nan tout eta a nan envesti 13.5 milyon dola pou kontinye bay sèvis edikasyon ak sosyal bon kalite pou timoun piti pou travayè agrikòl yo ak fanmi yo epi pou sipòte enfrastrikti kapital pwogram enpòtan sa yo.

Pi gwo nouvo envestisman bidjè a chita sou itilizasyon New York nan fon federal la k ap fè chanjman sistematik ki pral elaji yon fason pèmanan disponibilite, kalite ak pri abòdab gadri. Mezi ki deja pran yo gen ladan:

- Bay 901 milyon dola nan sibvansyon pou stabilizasyon bay apeprè 15,000 founisè pou ede kouvri depans travayè gadri, lwave oswa ipotèk, sèvis publik, founiti, fòmasyon ak anpil lòt rezon.
- Bay 163 milyon dola nan sibvansyon pou gadri pou plis pase 50,000 timoun fanmi travayè esansyèl yo;
- Asire ke fanmi yo kapab resevwa 12 mwa asistans pou gadri menm si revni yo depase limit elijibilite a pandan 12 mwa sa yo;
- Limite kontribisyon kopeman fanmi yo nan pa plis pase 10% revni anyèl yo (anvan a, konte yo ka defini kopeman pou fanmi yo selon jan yo deside sa, kote kèk konte ka chaje paran yo jiska 30% revni anyèl yo);
- Ranbouse founisè yo pou 24 absans pou chak timoun chak ane;
- Elaji QUALITYStarsNY - yon sistèm evalyasyon kalite pou founisè gadri yo;
- Elaji ak sipòte enskripsiyon fasilité pou pwogram ki egziste yo; epi
- Abòde pwoblèm mank gadri nan tout eta a nan bay sibvansyon pou nouvo founisè ak founisè ki egziste yo ki vle elaji kapasite yo.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)